

ЛЕНИНЭНЬ КИЯВА

ВЛКСМ-нь Мокшэрзянь обкомонь ды Саранскоень ошонь комитетэнь газетаст

НОВАРЯНЬ

1 чн,

1935 нс

№ 117 (468)

ЛКСМ

5-й нс
ЧННЬ ЮТЯНЬ

Весе комсомолонть тев

ВКП(б)-нь Куйбышевень крайкомонь 4-це пленумось начальной ды средней школодо эсь решениясон-зо мерсь ВЛКСМ-ень крайкомонть ды райкомтнэнь: а) кизэнь каникулатнень перть одс ваномс вожатойтнень весе школатнева; б) максомс пионервожатоекс седе активной, политически анокс-тазь комсомолецт ды комсомол-кат, конань образованияст семилеткадо аволь седе вишкине".

Те решениядонть мейле ютасть уш кото ковт, сонзэ топавтомо жо минек республикань комсомолонь обкомось ды райкомтнэ аныак эшо ней кундасть.

Кавто ковт уш ютасть, кода школатнез кармась тонавтнеме, ламо отрядга жо пионерэнь вожатойть те шкас эшо арасть. Минек республикасонть 900 вожатоень таркас кемекстазь аныак 300 вожатойть, лиякс меремс—весе отрядтнэз аныак 33 процентнэнь улитъ вожатоест.

Нетъ позорной цифратне кортыть седе, што минек обкомось ды васняак райкомтнэ оппортунистически мезекскак эсть лово те пек важной тевенть. Бути ваномс, кода ашти пионервожатоень кемекстамонть марто тевесь лия районсо то минь нейдяно седеяк берянь показателть.

Примеркс, Краснослободской районсо 42 отрядсто аныак 25 отрядсо кочказь вожатойть, 17 отрядтнэ жо те шкасовожатойтемерь. Лия районтнэз те весе седеяк берянь.

Пек беряньстэ тевесь ашти пионервожатойтне марто количественно. Но седеяк позорнойкс ашти се фактось, што вожатойкс кучнить ды аравтнить сех берянь ломанть. Кой-кона райкомтнэ кочкить ды кучнить истямо правилань коряс: "мезе монстень а маштовикс сень тонеть макста". Лиякс меремс райкомонь секретарьтне пионерроботас эцнить сетнень, конат мезекскак а маштовить. Истя тевесь ашти малав весе районтнэз. Сетнень эйстэ, конатнень райкомтнэ кучнизъ вожатоекс кемекстамонь кис, комсомолонь обкомось эзь

кемекста 150 кандидатурат. Тень коряс сех пек прынзо невтисе Краснослободскоень райкомось. Сон обкомов кучсь кемекстамонь кис кавто кандидатурат, конат икеле ульнестъ судязь: Калашников вейке иес принуд роботас растратань кис, Тяпкин—кото кова принудкас беряньстэ роботамонь кис.

Истя ды лият безобразной факт пионерэнь вожатоень кочкамонть коряс улитъ лия районсоак,

Теде башка, эряви видьстэ меремс, што таркава пионерроботас кавтоз аныак пионерроботниктнэ-нень, се шкане, зардо эйкакштнэнь коммунистической воспитаниянь кис отведи весе комсомолось.

Эряви видьстэ меремс, што пионерроботанть лангс те шкас эшо беряньстэ вансь комсомолонь обкомоськак, сон пионерэнь весе театнень валинзе пионеротделентъ лангс.

Весе нетъ фактнэ кортыть седе, што ламо райкомт ды активистт эзизъ чаркоде ВЛКСМ-ень ЦК аны XI-це пленумонть решениянзо, эзизъ чаркоде Сталин ялганть од лозунгонзо седе, што ней "кадратне решитъ весе". Эзизъ чаркоде сеньгак, што комсомолонть центральной задачкас аравтоз од ломантнень ды эйкакштнэнь коммунистической воспитаниясь.

Райкомтнэнь эряви содамс, што вожатойтеме отрядось—аволь отряд. Отрядокс эряви ловомс сень, косо ули анокстазь ды аравтоз паро вожатой.

Вожатойтнень одс ваноманть прыдомань меельсе шкакс крайкомось аравтокшнызе ноябрьн 1 це чинть. Те шкасыкак ютасть, но тевесь таркастонзо эзь сырга. Райкомтнэнь ды пионеротделтнэнь заведущейтнень кундамс пионервожатойтнень тонавтомо эрва шкане роботыця семинартнэз, конат те шкас косяк эшо а роботыть.

Бути кармить улеме анокстазь вожатойть, сынст марто робота, сестэ минь алкукс парсте аравтсынек пионерроботанть ды касыця поколениянь коммунистической воспитаниянь тевенть.

Касодо шумбракс, веселойкс, бодройкс

Кировабадонь пионертнэнь П. П. ПОСТЫШЕВЕНЬ сермазо

Кировабадской (икелень Гонжинской) интернациональной омбоце школас Ворошилов лемсэ отрядонь пионертнэ сермадсть Постышев ялганть серма, конаньсэ вешть кучомс духовой музыкань оркестрань инструментэнь комплект пролетарской сыця праздникентень. Постышев ялгась Кировабадонь пионертнэнь ответэкс кучсь истямо серма:

"Братской поздоровт! Киевень пионертнэ Украинань столицанть—Киевентъ пельде кучить тенк Октябрьской торжестванть каз некс музыкальной инструментэнь комплект. Ванстынк сонзэ. Тонавтнеде вадрасто, кода эряви налксемс—истя, штобу эрва пионерэсь, конась карми налксемс кучовт инструментэнтъ, вадрасто бу тонадоволь налксемс.

Поздравляю тынк сыця ине Октябрынь кемкавксовоце годовщи-

нанть марто. Праздникентъ васто мо анокстадо седе вадрасто. Главное—парсте тонавтнеде. Те, конась вадрасто тонавтни, те алкуксонь пионер-ленинец. Касодо шумбракс, веселойкс, бодройкс. Кеместъ вечкинк социалистической отечестванть СССР-нтъ ды советской социалистической эсинк республиканть—Азербайджанонть, конась ине Советэнь Союзонть а явовикс пельксэзэ. Воспитовадо эстенк ленинско-сталинской кеме ненависть социалистической родинань весе врагтнэнь. Аныак те условиянь марто тынь карматадо улеме кеме метъ, а шатыця большевикень—сталинецкс. Евтадо монь пельде поздоровт Кировабадонь весе пионертнэнь. Сермадодо монень тынк тонавтнемадонк ды пионерской роботадо. Поздоровт.

П. Постышев.

Октябрынь 30 чистэ панжовсь Мокшэрзянь театранть васеньце сезонсь

МОШЭРЗЯНЬ ТЕАТРАНТЕНЬ

Мокшэрзянь Государственной Драматической национальной театранть васеньце сезононзо панжомачистэнь кучтано пси поздоровт театрань коллективентень ды ветицятнень.

Тыненк бажатано успех театрань искусствань покш техникань тонавтомасонть.

Работань большевистской ладтнэнь коряс, минек республикань весе

трудиятнень марто вейсэ мокшэрзянь театранть туртов добувадоминек ине социалистической родинань сехте вадра национальной театрань лем.

Мокшэрзянь АССР-нь.

ЦИК-нь председателесь Н. СУРДИН.

Мокшэрзянь АССР-нь.

СНК-нь председателесь А. КОЗИКОВ.

КОМСОМОЛОНЬ ПОЗДОРОВТ МОКШЭРЗЯНЬ ТЕАТРАНТЕНЬ

Тыненк, театрань од коллективентень, конатась сцена лангс сась станокт эхштэ ды колхозонь паксятнестэ, покш вий ды энтузиазма марто эряви тонавтомс Марксонь Ленинэнь-Сталинэнь революционной теориянь, тонавтомс актеронь эсь мастерстванть, трудия ваныцятнень массас кандомс кенярдома

бодрость од ломаньтнень эйсэ кастомс героизма. Ленинэнь-Сталинэнь партиянь тевень кис весе виень путозь аштема.

Мокшэрзянь Боедрамтеатрась васеньце сезононь панжомачистэ театрань коллективентень-комсомолонь поздоровт!

ВЛКСМ Обкомось.

МОКШЭРЗЯНЬ ТЕАТРАНТЬ ВАСЕНЫЦЕ СЕЗОНОНЬ ПАНЖОМАСЬ

А карматано сепомо сень, што Мокшэрзянь театрась, кона уш эривете иеть СССР-нь национальной театранть юткс 1935 иес аштесехте удало таркасо.

Актеронь коллективентъ, косо ульнестъ 15 ломанть, художественно ветьаст случайной режиссерт.

1935 иень февралень 20-це чистэ Московонь Академической малой театрасо Мордовиясь шефствань коряс састъ Григоровская ды Бриллиантов артистнэ. Вана сестэ кармась лакамо роботась. Ковонь перть ударнойстэ, коллективесь не артистнэнь ветямост коряс васеньцеде тейсть серьезной робота: "налксизы Островскоень „Бедной чись аволь асатыкс" пьесанть. Ульнестъ налкесэз аволь покш пьеса. Екатерина Порохова" Те ульнестъ Мокшэрзянь театранть васеньце изнявксокс; Московонь вишка театрась мейле кучсь режиссерт—Никольской ды Этингонь ялганть. Ульнестъ налкесэз „Семигорьясто меельсь бабине" пьесась. Те ульнестъ театранть омбоце изнявксокс.

Саранов кизна малой театрасо сась бригада, конань ветьаст республикань заслуженный артистэсь—Н. Н. Рыбников МАССР-нь ЦИК-сь

ды Совнаркомсь, 1935 иень июлень 21-це чистэ теезь постановлениясост теишктызь малой театранть шефствань роботанть покш результатнэнь ды бригаданть казизъ почетной грамотасо.

1935 иень сентябрынь ковсто, малой театрась таго кучсь режиссер—Каминка ялганть—ды Бударин художникентъ, конатне роботыть „Платон кречет" пьесанть лангсо.

Мокшэрзянь обкомонть, МАССР-нь правительстванть, ды общественностентъ покш мелявтомаст коряс малой театранть лездемонзо коряс мокшэрзянь театрань коллективесь течень чинтень пек кассь, виензавсь, покшолгась, коллективсэнтъ весемезэ 50 ломанть, репертуарсонзо—кото пьесат, конатнень налкисизъ покш квалификация марто мастерт. Мокшэрзянь театранть ули парозо—декорацият, костюмт, парикт ды лия, ули вадра зданиязо.

Октябрынь 30-це чистэнь панжовсь Мокшэрзянь театранть сезонсь.

МОКШЭРЗЯНЬ ТЕАТРАНЬ ДИРЕКТОРОСЬ

В. И. НОВИЦКИЙ

ТВЕТИ ТЫНК ТЕАТРАСЬ

Мокшэрзянь Республикань од национальной театранть сонзэ васень сезононзо панжомачистэнь кучи поздоровт ды арси тензэ парт Республикань Народной артисткась Александра Яблочкина, кона малав 50 иеть служи искусстванть Московонь Вишка Театрань сцена лангсо.

Да твети тынк од театрась, конань формадо национальной, содержа-

ниязо социалистической, да касыть ды кемекстыть тынк од кадратнэ. Кадык иеде-иес тынк театрась касы ды невити яла одт ды одт пек паро достиженият ды тенсэ канды эсь сыре тетянтэнь Вишка Театранть кенярдома ды счастья, кармавтсы прынь шнамо эсь эйдензэ кис.

Александр Яблочкина

АНОКСТЫТЬ ПРАЗДНИКЕНТЕНЬ

Ташто Мурзань аволь полной-средней школасо комсомольской ды пионерской организациятне келейгавтызь праздникентень анокстамонть.

Комсомольской организациясь праздникентень аноксты пьеса „Своим путем", нолды специаль-

ной № стенгазета. Пьесань анокстамонть кувалт ответственноекс явизъ Гришин ды Нестеров комсомолецтнэнь.

Пионерской организациясь аноксты выступленият, морот.

Пилот.

Кочкуровань р-н.

Юнкоронь сермат

Кардамс Платоновонь

Кочкуровань р.н. Пакся Тавласо строясь од клуб. Клубсонть заведующейк роботы Платонов.

Берянькс Платонов роботы. Чуросто панжтнесы, клубонть. Тень таркас сон седейсь симни винадо ды гармошка марто яки ульцыва.

Октябрынь 24-25-це читнестэ клубось пекстазь ульнесь. Платонов иредьстэ гармошка марто якась ульцыва.

Платонов комсомолец. Мекс сонзэ а кардасы первичной комсомольской организациясь.

Петров.

Арась симемс ведь

Чамзинкань р.н. Мокшалеень аволь полной средней школасо тонавтницятне почти чинь-чоп—эрить ведь теме. Сторожтнэ чизэнзэ кантлितь веденть ансяк кавто ведрат, конась, нама 500 ломаньс малавгак а саты. Секс вана тонавтницятненень савкшны чийнемс симеме вельсоветэв, пожарной сараев ды лияв.

Мезе ваны тень лангс школань дирекциясь. Мекс а кармавтсынзе сторожтнэнь ведень кантлеме?

С. Г. К.

Банянтъ нейгак яла строить

Кочкуровань МТС-эсь омбоце ие уш строи яла баня. Ней теемскак кадовсь було аламо: каштом ды вальма. Но дирекциясь оймась сень лангс, мезе теезь. Прядоманзо а капши, корты, што арась тень кись средстванзо.

Робочейтненень жо а косо шлякшномс ды парямс. Секс эйстэст сех ламотне якить рудазовсто. Кой-конат жо баняв якить 2 эли 3 вайгельпетъ Семилеев ды лияв.

В. Об'един.

„Пионерская правда“ газетанть

ловныцянь слет

Веселат, палозь-палыть якстереть чамаст. Бойкасто яки гармониясь опытной гармонистэнтъ Дмитриев Сашань кедьсэ. Шумтомо прок ведь ланга укшнлть кругсонть танцовать эйкакштнэ.

Соколова Шура вожатоесь организовась ульцясэ коллективной танецт. Нилеце, котоде ды кевикиеце школань эйкакштнэ танцовать „Калинушканть“ „Польку потешку“, „Коробочканть“...

Эйкакшт, морасынек партизанскоенть? Сигина Люба, Воронцова Тоня, Соколова Шура бойкасто, весела мазыйвайгельсэ рангстызь:

„Мы знаем крепка наша сила, и если война впереди“...

Кедьсэ кундсезь гармониянь коряс, бодройстэ кантлезь, кантлеяйт валтнэ вечкевикс Ворошилов ялгадонть.

Коде жо а морамс вечкевикс пионерсконть... Ды эщо седияк виевстэ ды веселасто рангстызь:

„Нас утро встречает прохладой.. Кудрявая, что ж ты не рада“...

Пионертнэ ды школьниктнэ, „Пионерская правда“ газетанть ловныцянтне ды деткортнэ 4-це № школанть пурнавсть ошонь слетс.

Залось пешксе эйкакшто эрванть сивесэнзэ якстере галстук, весе вейсэ саезь невтить прок покшлей, зардо чись нолдынзе эйзэнзэ эсинзэ срунанзо... Эйкакштнэ группасо мезде бутим кортнить, раксить, веселгалить. Лажт моли весе залось.

...Эйкакшт, слетонть лован панжозь... Макеева Валя пионерканть маштоманзо лангс ответ марто кортась горкомсо пионеротделэнь заведующеесь Гараев ялгась. Слетось примась протест ды вешсь кеместэ наказамс Макеева Валянть маштыцянтнэнь.

Мезе максы эйкакштнэнь, школьниктнэнь „Пионерская правда“ газетась, мезе ней главное эйкакштнэнь печатьсэнтъ нир-

кинестэ, чарькодевикстэ эсинзэ докладсонзо евтнize комсомольской „Ленинэнь киява“ газетанть редакторось Люпаев ялгась.

Эйкакштнэ кортасть прениясо.

Минь ловинек аволь обязательнойкс кантлемс галстук.

Покштано, а мейсь галстукось... арсинек минь.

Ней, седе мейле, зардо ловнынек „Пионерская правда“ „Галстук“ евтнеманть весе 23 пионертнэ и „покштнэ“ и „вишкинетне“ галстукот,—кортасть 11-це школасто Самойлин Лена

—„Пионерская правдась“ лездась Орловской пионерэнтень получамс рузонь келенть коряс „удовлетворительна“ оценканть...

Миронов школьникесь максызе на „хорошо“ географиянь предметэнтэ.

...Газетась монь тонавтымим пелькстамось конкретной договоронь темеме. Одсто пелькстатано Чуличева ученицанть марто—теде кортась Чикина пионеркась.

Теле, кода Хомутинская тонадсь явомс гласной ды согласной букватнень, кода Дмитриев Саша ютавтэ веселасто переменатнень, кода сон тонавтни теэмс звенань плант ды отрядонь сборт ды ламо до лиядо. Мезес тонавтынзе эйкакштнэнь „Пионерская правдась“ евтнize сынь ошонь эсист слетсо.

Мезе а саты. Слетось невтизе, што ламо отрядт, звенат эсть ютавтне сборт, беседат „Пионерская правдадонть“. Ошонь пионертнэ аламо получить ды сермадить „Пионерская правдась“

Пурнамс школьниктнэнь, пионертнэнь эйкакшонь печатенть перька тень кувалт эряви ютавтнемс „Пионерская правда“, колхозные ребята“ ды „Будь готов“ газетань ловныцянтнень слетт. Теле эряви арсемс комсомолонь ошонь комитетэнтень.

А. Москвитина

Минек печатазь материалонек коряс

„Переменатне ютыть аволь организованнойстэ“

„Ленинэнь киявасо“, октябрынь 10-це чинь № сэ ульнесь печатазь заметка, косо сермадозь, што Мокшалеень (Чамзинк. р.н) аволь полной-средней ды начальной школатнесэ переменатне ютыть аволь организованнойстэ. Тосо переменань шкатнестэ седейстэ эрсить туремат, севномат ды лият. Школань директорось Трошин пачтась тенек куля, што неть асатыкстнэнь коряс школань дирекциясь примась мерат. Ней переменатне ютыть организованнойстэ. Переменань шкато седейстэ эрсить физкультминуткат. Ловнокшныть газетат. Начальной школасо переменатнестэ учительтне программань коряс тейнить налксемат.

Апак печата сермань коряс

Асатыкстнэнь маштомат коряс примазь мерат

Минек юнселькорось комсомолец сермадсь, што Вирь ало Тавлань начальной школасо занятияне ушодовкшныть пзда, 9 часонь таркас 10-11 часосто ды прядовить обедтэ мейле васень часосто, класстнэ рудазовт, учительтнэнь ды учениктнэнь ютисо дисциплинась лавшо.

Те заметканть редакциясь кучнize расследованияс. Кочкуровань РОНО-ть пачтась тенек куля. Заметканть коряс ульнесь теезь проверка, эйзэнзэ невтезь фактиэ весе видетъ. Асатыкстнэнь маштоманть коряс примазь мерат: октябрынь 25-це чистэ Вирь ало Тавлань школасонть учительтнэнь марто ульнесь ютавтозъ подсовещания, косо ульнесь толковазь ВКП(б)-нь ЦК-нь ды СНК-нь сентябрынь 3-це чинь решениясь. Школань роботась ладязь те решениянтъ коряс.

Ник. Ник...

Трокшкуж велень эрицянтнень мелест коряс церькуванть кармась тееме аволь полной средней школас. Весе тень кувалт теветнэ ветиякс аравтозель Ник. Ник. Пятаев

Ник, Ник. кармась арсеме: „А эряви мах максомс. Те тевсэнтэ ламо можна нажувамс“... Ды сон кундась тевс. Церькуванть прядо валтозель зярвэ цинковой парожестъ. Пятаев Н. Н. седе курок кармась вешнеме истят ломанть, конатненень эряви жестъ, ды истят конатненень пельде можна седе покшпитне лутамс. Марясь, што Трокшкужонь торфохозяйстванть эряви жестъ. Седе курок чийсь тов.

Муизе эржавикс ломанентъ. Минь сонзэ лемензэ, тейя лемензэ ды фамилиянзо а солдасынек. Эриволь бу Ато истяк аволь паро сонзэ лементэс, нацияс эщо кежензэяк сыть..

Ну, вот, значит. Ник. Ник. евтнize, мейсь сась. Торфохозяйствань прядотсь мерсь, што сонензэ жестъ алкукс эряви, но штобу рамамс, эряви ваномс, ато нацияс маняват.

— Мезе було, идяванык,—мерсь тензэ Ник. Ник. Ды тустъ...

— Жестесь ведь кодамо, стариной эщо, ней костояк истямо а муат,—кортасть Пятаев, зардо сынь пачкодсть уш тов, косоль жестесь.

— Слоф нет, жестесь вадра, но ведь сон яла теке аволь од.

— Ну вот эщо мезде арси, тон

ведь вант кодамо сон. А саиньдерясак, янксеме кармат. В прочем, мелесь тонь, вант кода тосо ежот марясак..

— Н-нда. Сави саемс. Ансяк аволь весе. Ну, зардо вешат, вана бути сайсынъ пелестъ?

— Местъ уш ламо кортнемс. Магарычекс литра, мейле тосо вансынек... Иля пель уш пек ламо а саян. Кодаяк уш тейсынэнь...

Ды сынъ теизь. Магарыченъ симимась теевкшнэсь теке свадьбакс. Свадьбасо ансяк истя ламо симкшныть вина.

Мейле Ник. Ник... Пятаевось получась жестентъ кис торфохозяйстванть пельде эстензэ зярвэ товар, калт ды лият кой местъ. Вообще, ломанесь эсь прядзо оршизе ды карсизе истя, кода эряви, ды ярсамо пельгак сатышка ульнесь.

Но тень эйсэ сонзэ тевезэ эзь прядов. Эривсь миёмс кадовозь жестентъ. Тененьгак сон мусь скупав рамиця. Те ульнесь колхозонь правлениясь. Сонзэ пельде Ник. Ник. получась 4 понтт почт.

Ламо сонензэ савсь симемс сесть, зардо миинзе школанть ниле баконзо. То магарыч, то складчина, то эщо мезе, ды эщо ярмакт ведьгемень целковать сайсь кисест. Истя вана, Ник. Ник. Пятаев ютавтнэ церькуванть аволь полной средней школас тееманзо.

Но кода а кода, школа яла теке

ульнесь теезь. Ушодовсь тонавтнемань йесь. Петяевгак аравтозъ тононь рботамо—директоркс. Но сон школасонть чуросто эри, а ютко тензэ, сими ды яла закуси.

Школасонть седейстэ сезневить занятият. Пятаев жо мезень кисэяк амелявты. Сонсь а яки школав, лия учительтнеяк истя тейть. Секс сентябрынь 19-це ды октябрынь 9-це читнестэ весе ветенест класстнэсэ занятиянтень ютавтынзе вейке учитель. Октябрынь 10-це чистэнтэ саезь 19-це чинть самс Пятаев апак лотксе симсь, школав прядзояк эссе невтне. Сон должен 5-це классо ветамс история, те шкас жо те предметэнтъ коряс эзь ютавто вейкеяк урок. А ютко, Бути карми тонавтомо, сестэ а зардо винадо симемс.

А вестъ ульнесь истя. Сы иредьстэ школав, эйкакштнэ—учить эйсэнзэ тонавтомо. Сон жо карм лангозост пижнеме.

— Тынь местъ тесэ аштекшнитыдо, монь, штоли учотадо. Мон тынстеменкак содася, зардо кармамс тонавтомонк. Марш тестэл.

Зардо Ник. Ник... куваяк юты иредьстэ, иля понгони сельмензэ икелев. Кие илязо уле, яла теке а мезень кис эрва кодамо а паровалсо севнотанзат. Трокшкуж велень эрицянтнень мелесткэяк эйзэнзэ ки соды кода мольтс. То вант тень врьс севносы, то тонань сех апаровалсо позорясь. Мезеяк а тейят мартонозо, культурной, покш ломань ды эщо мик комсомолец.

Ник. Ник. эщо машты нарьгамс сонензэ падчиненнойтне учительтне лангсо. Сон аволь пек умок живистъ порекшнize П. Т. Киушкина учительницанть. Ки тензэ а максиль. Тей юты—сусксы, тов юты сусксы. Ды эщо эрва кодамо виськсь валсо эйсэнэ позорясь весень пиньгстэ. Мейле нолдась аванть кувалт а паро слава. Саезь Киушкинанень кадомс Трокшкуж велесь.

Нама, Ник. Ник. Пятаевонь весе неть тевтнеде соды Чамзинкань РОНО ськак. Ды сон тензэ лездэ эщо седеяк пек истя тейнемс. Октябрынь 23-це чистэ ульнесь педсовещания, козонь сакшнось РОНО-ть пельде шляпа, лиякс меремс иструктор Акимов. Ды сон весень лангс кургонзо човиямс пижнесь! местъ сурсо невтнитыдо Пятаев лангс, мезень чумо сон тейсь.. Винадо, мердядо, сими, тыненк натъ кияк а мери.. Маштоло тыньгак симеме.. (Эряви арсемс, што те представителесь, бульчом сонськак винадо глохтямонть коряс Пятаевонь эйстэ а кадовкшны).

Сон РОНО-нтэ пельде весенень мерсь: Пятаевонь каршо кереть иляк, венстне, Мезе тенк эщо эрви? Ков седе васов молят пеняцямозь?

Но минь яла теке арситано, што Чамзинкань РОНО-нтень самс Трокшкужонь школас урядамс те Ник. Никентъ эйстэ.

Пятаев, Бояркин, Мастяйкин, Помкин, Паулов.

Эрзянь литературанть — массатнес

„ЧИХАН ПАНДО
АЛО“
РОМАНДОНТЬ

Весемеде покш произведениякс те шкас ашти эрзянь од ломанень художественной литературасонть Т. Раптанов ялганть романось — „Чихан пандо ало“

Раптанов ялгась те романсонть аравть икепензэ задача: невтемс эрзянь велесэ комсомолонь роботанть, батраконь од ломаньтнень комсомолонь роботникекс теевеманть ды кулачестванть каршо сынст туреманть. Эряви меремс видьстэ, што те задачанть Раптанов топавтызе аволь беряньстэ.

Основной героесь романсонь Сеель, онзо положительной типт Голец ды лият кавто-колмо комсомолест, отрицательнойть, берянь, малав разложившей комсомолонь типтне: Иниваткина ды Сиников. Нетнеде башка комсомолнень враждебной тип кулак — Латкин, се шканть ульнесь велень советзнь председателекс ды перьканзо лият антисоветской типт: Пыряевт, Петроват ды лият.

Васеньсе книгасонть Раптанов сермады 1925, 26, 27-це иетнеде, кода велесэ самай кемекстась комсомолонь роботась, комсомолось кармась саеманзо эсинзэ енов весе трудиця од ломаньтнень массанть. Невти романсонть велень се шкань интеллигенциянткак (Мария Ивановна).

В. Радаев.

(„Эрзянь од ломанень художественной литературадонть сатъясто“).

ЛОВНЫЦЯТНЕ
РАПТАНОВОНЬ
КНИГАДОНЗО

Лукояновань педтехникумсто сермадыть:

„Художественной образтнень кувалт Т. Раптанов ялганть „Чихан пандо ало“ романось, можна меремс, лиссь пек парсте. Зяярдо минь сонзэ весе ловнынек ды кортынек кувалманзо, эзинек мие эйстэнзэ покш ильведезкст ды а чарьковедикс таркат.“

Сон парсте невти геройтнень. Парсте невти ушо енкост ды машты аравтнемаст эсист таркава. Яла теке, улить Раптанов ялганть асатыксэнзаяк. Лавшосто невти героенть потмонзо, мелензэ арсеманзо. Лиясто ламо коськстэ корты. Таркань-таркань главатне лавшосто сюлмавозь вейкест-вейкест марто. Эржавить неть витьнемс“.

Истят сермат Раптановонь творчестванть кувалт ламо.

„Татю“

(Повестьстэнтэ саввкс).

— Чи валдынем, валдо сельмением.. Корьминецькем! Мейсэ кирьтасак касы рунгением, мейсэ пужовтасак мазый чаминем. Илямак макст, сьткинем, мирьдинень! Тонсь несамак — пек одан. Асавтове атяв тнень, акирьдеви ававтонь корозо. Аванове мирьденть мелезэ? Козонь иседе молян, кинень потмом чамдаса... — Вал евтамонтень Татюнь кундатоць келезэ. Чуди пси сельведезэнзэ сон лепеясь ды вөнәмсь рунгозо иредьстэнтень пильгест пес. Каргодсь киякс кучкантень майш илэкезэ, ансяк чуросто ды стакасто тарксесь лексэвтьтензэ.



СНИМКАСОНТЬ. Раптанов ялгась

Сермадыцясь эсь эрямодонзо

Мон шачинь 1906 иестэ. Покш-Толкан велес, икелень Самарской губернияс, Бугурусланонь уездс. Тетям Алексей Семенович Раптанов эрзясь пек беряньстэ, роботахнось бояронь кедьсэ ды сокоргадсь монь щачома иестэнь. Авам кулось 1916 иестэ, кода кавонест лелян ульнест саезь империалистической войнас.

Сисем кавксо иесэ максымизь тонавтнеме церковной школас, сеске жо панимизь. Панимизь аволь азарсь-чим кисэ, аволь беряньстэ тонавтнемань кисэ, уроксо лиссь истямо тев, конань потмо ежосон кирьлезь мик а евави тень ташто школань преподавательтнень грубостест лангс ненавистем. Сынсь эсист грубостест эйсэ ветимизь покш визькс-чамас.

Кизэнтэ уш тетям максымим подпаскакс.

Авань куломато мейле 1917 иестэ эщо кармсинь тонавтнеме земской школасо, но аразь чись кучимим тетянь марто пурнамо. Тетянь куломс (1921) пурнакшнын, вецинь эйсэнзэ кедь-пеле кудост-окудос, велестэ велес. Се шканть тетянь ловнын религиозной пек ламо литература.

Тетянь марто ды тетянь куломато мейлеяк ламо азгоньденть Сибирьга ды уфас лоткин пастухокс вейке сюлав столыпинецтнень.

Ванынь кедьсэнзэ ниле иеть. Теде мейле роботынть вирьсэ, якинть Ташкентэв, работа эзинь мук, кискань ящиксэ сынне мекев ды таго тукшнын Омскойсэ са-

модо мейле сивидинь эсинек велес роботникекс ды сестэ совинь комсомолс.

Ансяк комсомолось ливтимим ломанькс. Курок кучимим курсов, кочкимизь ячейкань секретарькс. Мейле кочкимизь велень рабочей комитетэнь председателекс Аламонь аламонь касын; саимизь роботамо союзонь окружной комитетс, тосто крайкомс.

1930 иестэ молинь роботамо Московов „Якстере теште“ газетантень. Курок туинь Саранскоев „Эрзянь коммуна“ газетантень. „Якстере тештесэ“ печатызь васень евтнемам „Тол Иван“.

Яла теке сермадомо кольнекшкынсь седе икеле. Васень стихем печатызь 1928 иестэ, омбоценть 1930 иестэ.

Саранскойсэ сермадыя „Татюнь“, „Од пиньгень вийть“ сборникенть ды „Чихан пандо ало“ романонтень. Ней курок лиси печатэстэ „Мель ды вечкема“ сборникем, „Прядовсь „Чихан пандо ало“ романонтень омбоце кинигась, курок ули максозь печатэсь.

Пек ламо савсь роботамс эсь лангсон. Кодамояк школа эзинь прядт, истя-роботамс стака ды ламо эрямо чи аapak фатя юты икельган.

1930 иестэ совинь партияс. Меельсэ шкастонть роботынть „Ленинэнь киява“ газетасонть редакторонтэ полавтыцякс.

Т. Раптанов.

„ЧИХАН ПАНДО АЛО“

(Романстонть саввкс)

Клубсто, политчитканть прядомадо мейле, Сеель курьдякадсь, прязо комавтызе мештезэнзэ ды лембекоштсо пувси панар сивентень. Сиников, Вася марто, сасызь сонзэ. Сеель тусь маргост вейсэ.

— Молят мартонок свадьбас? — пшкадсь Сиников.

Сеель виздесь молеманзо, мейле согласась. Сонзэяк седеесэ од, мелезэ лаки эрямосонть. Но сонзэ мелезэ а чарковедь вакссонзо молицятненень, а чарковедь ансяк секс, што сонзэ лангсо нулав, каргодсь кухайка, карксазь левшень каркссо, нулатне лыйнить варма мельга, кухайканть алдо ушов кадовсь понгс гасникесь. Пильгсэнзэ каянь карт, рудазов калгодо пракста. Панкстнэ чудить карькстнэ ланга. А истяк Сиников ды Вася тердизе сонзэ ансяк мельде валдо. Сынь арсесть, што истямо ломаненть потсо арась кодамояк седей, кона бу маштоволь, сынст ладсо увелель весела, сынст ладсо маштоволь тейтерень вечкеме, тейтерень палсеме. Сынь думасть, што те ломаненть потсо кулозь седей, коната а чаркоти мезеяк, коната ковгак прязави, емазь ломань — шукшпрязав сор.

Кода совасть Каргонь Лютянень, Боньзай Олда ульнесь уш столь экшсэ. Олданень Лютя сави сватокс — Олдань лелянзо экшсэ Лютянь тейтерезэ. Лютя ней урваксты нуцканзо, Мишань.

Олда кирнявтсь столь экшстэнтэ, чиремкшнесь мольсь Синиковнень. Чамазо толос кирвайсь, прок уш тозь каштомо икеле сыртерсь.

„Нать копордазь“, думазевсь Сеель Олдадо.

— Сиников, Васяка, ютадо икелев, — кармась энялдомо Олда. Сонсь кундынзе кедьте ды уски эйсэст. Алятне васня синтревть, покшкштнесь, но кода Мишамольсь сонсь, то сын апарк пота ютасть икелев — столь экшсэ. Сеель прок пезнась уголонть, мик рунгозо а чирькавтови. Столекшентень брага марто мольсь одирьвась. Кода Сиников комавтызе кеченть, одирьвась сюконясь икелензэ.

— Стяк, — сонсь цяпкадинзе турванзо.

Сеель котьмерензэ нежедизе каштом боксо чалгамонтень. Се шканть гурьбасо кудонтень совасть ульцянь тейтерть. Кона пувсесь якстерькайкс кельмезь келензэ, кона ихельдсь шуба ожа потмозонзо.

РЕДАКЦИЯНТЬ ПЕЛЬДЕ

Редакциясь аравть эсь икелензэ задача — невтемс минек ловныцятненень эрзянь кой-кона писательтнень ды поэнтнень творчестваст, невтемс минек литературанть достижениянзо. Те теветнть ушодынек Раптановонь творчества-сонзо. Раптанов зярдыя уш сермады, те шкас нолдась ниле кинигат: „Татю“ „Чихан пандо ало“ (1-це пелькс), „Од пингень вий“, „Лэксось муевсь“. Ней мордгизэсь нолды лия киниганзо.

Раптанов — комсомолонть кастоват писатель, секс сон сех ламо сермадыяк од ломаньтнеде, комсомолдонть.

Минь шиятано ловномс сеть писательтнень ды поэнтнень сермдовкост, конатнен творчестваст карматано невтеме. Редакциясь.

Сеске жо октябрынь революциядонть мейле, Советэнь властесь допрок полавтызе урваксто мань седикелень ксенть. Бути инязоронь правительстванть пингстэ тейтерень максылизь а вечкевикс церанень, истамонень, конань сон икеле а содылизь, эли бути церанть саилть а вечкевикс тейтерь, то ней минек од лангсэне вечкить ды урвакстнить эсь мелест коряс. Бути седикеле тейтерень эли церанть а кевкстизькак—урвакстылизь, то ней минек масторонть весе тень пугозь пе. Те тевсэнькак минек народонть максозь покш олячи. Бути седикеле церанть урвакстылизь а вечкевикс тейтерь лангс, то сон, мирдсь, эрва кода кармилъ нинзэ лангсо нарьгамо эли куроксто овси панилизе. Ней жо минек од лангсэне урвакстнить вечкезь, эсь мелест коряс, эртыкак сынъ паромельсэ, теить семиянь уцяскав эрямо, мирдсь эсь нинзэ лангс а ваны прок уре лангс, а нарьги лангсозо. Сетнень жо, конат нарьгить нист лангсо, минек Советской законось казямосто чумонды.

Но весе тень лангс апаж вано од цератнень ютксо, улитъ эщэ тейтертненень хамской отношениат. Улитъ эщэ истат мирдтькак, конат салава нарьгить нист лангсо, нинть теить эсист урекс.

Теке жо марто улитъ истат од лангс, конат эсь коряс арситъ урваксто истамонь тейтерь лангс, конат сынъ а вечкызы ды истат а молитъ тест. Сестэ неть од цератне тейнить дикой тевть.

Вана кавто примерт. Нуштаев Владимир—классово-чуждой элементъ цера. Сонзэ семиязо ютасы истэнтъ панезь колхозсто Сонзэ од церазь ульнесь Горькой ошсо, роботась автозаводсо. Ней сась эсист велес—Сайнелев (Дубенкань р-н). Сонзэ мельс тусь тейтерь—Павлова Катя. Кортнесь мартоно, но тейтересь тензэ никс а моли. Сестэ В. Нуштаев решизе саламс Катянь.


Октябрынь 20-це чистэнтъ Катя весе ялганзо марто ульнесь лознома кудосо. Кудов сырғась веть 11 чассто. Сонзэ ванстызе Нуштаев ды ускызе тов, косо сынъ эрты. Тейтересь кармасть пинжнеме, ды идеманзо чийсть од лангс.

Омбоце истамонь жо тевесь ульнесь секе жо велесэнтъ Октябрынь 21-це чинь чокшне Горкин Алексей салыксэлизе Овчинникова Таниянь. Истяжо тевезэ эсь лисе секс, што тейтерень пинжнемазонзо чийсть шабрань лангс.

Нетъ кавто дикой примертэ кортыть седе, што кой-кона од лангсэнтень сознаниясост эщэ улитъ буржуазной идеологиянь кадвикс урваксто мань лангс аномасонть, тейтертненень отношениасонть. Ды теке жо корты седе, што Сайнеле велень од лангсэнтень ютксо ярась кодамояк работа сень коряс, штобу полавтомс од лангсэнтень тейтертьне лангс беряньстэ ваномань мелест-превест. Те—улезэ урокок Сайнеле велень комсомолонь организацианть ды Дубенкань райкомолонть. Вельнетъ тевтне аволь случайно лиссть. Сынъ улитъ эсист кореност. Секе комсомолонть тосо эряви ютавомс пек покш работа од цератнень ды од тейтертнень ютксо. Ды теке марто—а кадомс апаж чумондо нетъ дикой примерэнь теицятнень, урвакстомадо советской законотъ колыцятнень.

И. Ярославкин.

Е. Патаев.



СНИМКАСОНТЬ: АБИССИНИЯНЬ КАРТАСЬ

Италиянь войска тне виевгавтыть наступленианть

Италиясо ламо ютавтыть войнантень

Абиссиниясо Италиянь действующий войска тне яла виевгавтыть эсист наступленианть, кода северной, истя жо южной фронтэсэ.

Северной органто меельсэ читнестэ итальянецтнэ эсизть 25 километрат обед енов, Микале ошонть, пелев, эсть вастне сопроствления. Октябрынь 29-це чистэ Италиянь войска тне бомбардировизь Макалентъ. Абиссиниянь войска тне гористой таркатнень кувалт кекшнить (уклоняются) бойнестэ. Ламо районга военной операциятненень пек мешить пиземетне. Теде башка лисезь горань берегтнэ-

стэ лейтне занять ламо территория.

Англиянь печатентъ сведениязо коряс, Англиясто сась Абиссинияв покш партия пулемет ды запасной часть.

Италиясто африкав войска тнень отправить эрва чистэ.

Италиянь империализманть ушодовт войнась ашти покш средстват. Англиянь крупной вейке газетань „Дейли геральд“ сведенияз коряс ансяк сентябрь ковантъ Италиясь ютавтсь войнантень анокта, мос 633 миллионт лир (Лирась—9 10 трешникт).

Карательной мерат Италиянтъ каршо

Италиянтъ каршо экономической ды финансовой карательной мератнень теемадонть мейле, нациянь Лигань вешинзэ сесь государстватнень окончательной мелест, конат аштить ды ай аштить Лиганть членэкс. Седе мейле, зярдо ули теезь государстватнень отношениат карательной нетъ эли конат мератнень, нациянь Лигась тешксты карательной мератнень тевс ютавомань точной шка.

Аволь полной даннойтнень коряс, нациянь Лиганть решениязо, конаньсэ мерезь усксемс Италияв оружия ды боеприпаст,—тевс ютавтыть уш 39 государстват—нациянь Лиганть 51 члентнэ эйстэ, конат евызы эсь мелест примамс участия те мероприятиясонть.

23 государстват, истяжо Франциясь максть согласия тевс ютав-

томс финансовой карательной мератнень (а максомс Италиянтень заеми ды лият). 16 государстват согласась тевс ютавомс экономической карательной мератнень (а усксемс Италиянь тованть эсь масторов ды а ускомс Италияв эсь масторсто сырьят).

Берлинстэ пачтить куля, што Германиясь отказась карательной мератнень тевс ютавоманть эйстэ. Япониянь правительствась решизе а максемс кодаткак ответт нациянь Лиганть кевкстнеманзо лангс.

Зярыя государстватнень решенияст Италиянтъ каршо карательной мератнень тевс ютавоманть коряс пек кармавтынзе ацарьгалеме Италиянь газетатнень ды кармасть эрва кода кайсееме аволь ансяк Англиянтъ, но ксть жо Франциянтъ лангс.

Италиянтъ каршо

Лондон. „Рейтер“ агенствась пачти куля, што октябрынь 29-це чистэнтъ Калькуттэсэ ульнесь Абиссиниянтъ лангс Италиянтъ каявоманзо каршо молемань митинг, конань пурнакшнызе тред’юнионь

нень весе Индиянь конгрессэсэ. Митингсэнтъ примазь резолюциясонть мерезь, што Индиянь масшатне лездыть абиссинской народонть бороцямонтень.

Африкав пачтить 20 суднат

Рим, 22. Неапольсэ аштить погрузка ало 20 суднат, конат нетъ читнестэ улитъ кучозь Африкав.

Грузить войска, санитарной часть ды военной материалт.

Болгариясо антифашистской демонстрация

Октябрынь 28-це чистэ, чокшне, Болгариянь столицасо—Софии ошсо, фашистской профессиональной объединениань организационной с’ездэнь панжоманть кувалт, зданиянтъ икеле, косо молись с’ездэсэ, коммунистнень руководстват коряс пурнавсть ламо сядот рабочейт, конатне протестоваст рабочей организациантьне громамонть ды сынст правительственной фашистской организациясо полафтоманть каршо. Зярдо полициясь кармасть пансеме пурнавозь рабочейтнень, полициянтъ марто рабочейтнень ютксо теевсть покш столкновеният. Те столкновениясонть лангсэнявсть. Демонстрантнэнь ютксо ютавотъ арестнэ ды чавоматне арасть од эшо седияк виев рабочеень массовой выступлениянь поводокс, конатне мольтэ поздной вес. Полициянтъ ды военной властнень пельде ульнестъ примазь чрезвычайной военной мерат.

„Постной чить“

Германиясо правдолюбивенной кризисэсэ яла седеяк пек виензэ. Властнень тердить седе аламо ярсамс эли овси а ярсамс сывелде. Брюссельсэ Саарской областень национал-социалистической организациантьне руководителне мерсть, штобу середатнеды печатне увелеть постной чить—лиякс меремс нетъ читнестэ а ярсамс ойде ды сывелде. Национал-социалистической руководящей работниктнэнь теезь эщэ вейке постной чи—пондельникентъ. Весе „сознательной“ чиновниктнэнь ды служащейтнэнь, конат ай аштить национал социалистической партиясо, истяжо мерить „эсь мельсэ“ нетъ читнестэ а ярсамс ойде ды сывелде.

М. В. Фрунзе ялганть куломань чинтень топодсть 10 иеть

Октябрынь 31-це чистэ топодсть 10 иеть М. В. Фрунзень кулома чистэнтэ. М. В. Фрунзе ульнесь стойкой большевик, революционер, вадра полководец ды рабочеень социань Якстере армиянтъ теоретик.

Фрунзе ялганть эрямозо ды роботазо—беззаветной преданностень пример партиянь тевентень, рабочей классонть тевентень.

Сталин ялгась М. В. Фрунзень калмамсто Московсо кремлевской стенанть бокасо эсинзэ валсо кортась.

... „Фрунзе ялганть куломасонзо минь емавтынек сех ванькс, сех честной ды минек пингень а пелиця революционер. Партиясь Фрунзе ялганть куломасонзо емавть сех виде ды сех дисциплинированной руководитель. Советской властэсь Фрунзень куломасонть емавть сех смел ды сех превий минек масторонь, минек государствань строитель. Армиясь Фрунзе ялганть куломасо емавть сех вечкевикс, вадра руководитель ды создатель.

Отвѣт редакторосъ М. ЛЮПАЕВ.

Печатань, шифр апаж „Красный Октябрь“ Мордгай.

Главлитто № 1676. Заказ № 3223. Тираж 2216.